



六藝之一錄

浙江出版聯合集團
浙江人民美術出版社

歷朝書譜彙編

〔清〕倪濤

五
外一種




六藝之一錄

歷朝書譜彙編

〔清〕倪濤編 錢偉強等點校

五
外一種



浙江出版聯合集團
浙江人民美術出版社

圖書在版編目(CIP)數據

歷朝書譜彙編. 五: 外一種 / (清) 倪濤編; 錢偉強等點校. — 杭州: 浙江人民美術出版社, 2017. 10
(六藝之一錄)
ISBN 978-7-5340-5873-8

I. ①歷… II. ①倪… ②錢… III. ①漢字—書法理論—中國—古代 IV. ①J292.1

中國版本圖書館 CIP 數據核字(2017)第 198015 號

歷朝書譜彙編(五) 外一種

(清)倪濤編 錢偉強等點校

出版發行 浙江人民美術出版社
(杭州市體育場路 347 號 郵編: 310006)
責任編輯 霍西勝 屈篤仕 雷芳 張金輝 余雅汝
封面設計 時代藝術
責任印製 陳柏榮
照排 浙江時代出版服務有限公司
印刷 浙江海虹彩色印務有限公司
開本 787mm×1092mm 1/16
印張 36.25
字數 522 千字
版次 2017 年 10 月第 1 版 第 1 次印刷
書號 ISBN 978-7-5340-5873-8
定價 355.00 圓(精裝)

如發現印裝質量問題, 影響閱讀, 請與市場營銷部聯繫調換。

六藝之一錄卷三百八十八

歷朝書譜七十八

明賢墨蹟 詩翰

沈石田謝祝希哲詩卷

疎林葉盡秋日晴，與子把手林中行。蕭條此地不足枉，賁我一來林壑榮。君今文名將蓋代，蹤跡所至人爭迎。青袍獵獵風滿袖，知者重者無公卿。老夫朽憊人所棄，子謂差長加其情。臨分日落渺野水，扁舟南驚迷孤城。弘治甲寅十月廿四日，希哲冒寒過訪，申謝此卷，不足罄懷。沈周。

沈石田贈楊子詩帖

楊子勸秉良，工詩略於琴。我勸併二者，手彈口還吟。琴詩本性情，淵淵入人深。推自三百篇，被樂爲雅音。雅音宣其文，成古復成今。悠然南薰詞，煦矣當舜心。

沈石田中秋月詩行書，挂幅

少年漫見中秋月，視與常時不分別。老來珍重不易觀，要把深杯戀佳節。老人能得幾中秋，信是流光不可留。古

今換人不換月，舊月新人風馬牛。後生茫茫不知此，年年見月年年喜。老夫有眼見還同，感慨滿懷聊復爾。今宵十四已爛然，七客賓爭天下先。庭空衣薄怯露氣，深簷〔二〕穩坐仍清圓。東風軋雲輕浪作，驀把太清渣滓却。浮雲雖欲忌吾人，酒政有律無譴賓。遞歌李白問月句，自覺白髮欺青春。青春白髮固不及，且捲酒杯連月吸。舒菴與我六十人，更問中秋賒四十。 沈周。

沈石田看花吟

花下一壺酒，人與花酬酢。樹上百枝花，花對人嫋妁。昨日顏色正新鮮，今朝少覺不如昨。人若無花人不樂，花若無人花寂寞。看花不是久遠事，人生如花亦難托。去年花下看花人，今年已漸隨花落。花且開，酒且酌，催花鼓板撾芍藥。醉他三萬六千觴，我與花神作要約。 沈周。

沈石田書諸歌行卷

今日九月九，無菊且飲酒。明年九月九，有菊亦飲酒。有花還問酒有無，有酒不論花無有。好花難開好時節，好酒難逢好親友。一杯兩杯常在手，六印何消金握斗。三杯五杯不離口，萬事莫談瓶且守。瓶云罄矣我即休，載欲謀之已無有。天應私我身獨在，天不全人花乃後。遲之明日興還存，紫萼青苞得開否。倘開爛漫即重陽，借問東牆惱鄰叟。右

《九日無菊歌》

春暖秋涼，山邊水隈，訪黃菊，尋白梅。秋月自與我慮淨，春雲自與我懷開。晝游之地吾蓬萊，夕息之處吾夜臺。以殤視我吾老大，以彭視我吾嬰孩。信壽夭，吾何以外，請享此見在，不樂胡爲哉。《尋樂行》

打漁鼓，唱道情，說生說死說功名。唱道情，打漁鼓，說神說仙說今古。仙家自有山中樂，凡家自有世間憂。年頭

年尾說不休，今夜又當年尾頭。唱要高，鼓要急，主勸賓酌忘拜揖。蠟梅燦燦白壁光，酒波濯濯青袍濕。客莫言辭主須醉，多情送年恐不及。年送去，還復來，漁鼓聲中白髮催。白髮不可變，莫放掌中杯。鼓砰蓬，杯絡繹，不知東方之既白。舊年已盡客已散，門前又接新年客。新年別唱賀新郎，送舊迎新漁鼓忙。右《送歲歌》

去之歲，來之年，一迎一送燈火邊。迎新送舊大家事，覺與老者偏無緣。黃雞未號霜滿天，一心百感誰惓然。小兒自喜時節至，催理靴服誇新鮮。固知老者已異趣，青春似因兒女妍。青春懸老不多地，白髮紅顏俱眼前。去之歲，來之年，譬如傳馬相絡繹，又如車輪相回旋。誰從箇裡饒不死，嚙^二氣苦苦修神仙。我於所去已五十，其來百歲亦倘焉。使我五十不爲夭，使我百歲不爲延。尚有大而去者與來者，在我先後計萬不計千。其間豪傑夢幻耳，冥冥漠漠真堪憐。惟有青竹數行墨，待來追去名可傳。勸兒必讀床頭編，莫惜買書吾無錢。男兒所立須及早，老夫待爾耕春田。右《除夕歌》 沈周

沈石田五言律詩賤

結廬城郭遠，靜勝此溪邊。鷗鷺分家住，煙波入簾眠。釣魚償酒券，賣藕補傭錢。只隔斜陽岸，經遊須倩船。
舊有讀書處，杏花深雨中。人歸髮未白，春好樹仍紅。富貴浮生外，弟兄吾道同。眼前千樹合，屋下兩陶翁。
九十春將半，陰陰何日收。花含無蝶戀，苔濕碍人遊。樹蔭呼朋鵲，簷多逐婦鳩。催詩應是酒，何必與添愁。
詠人影

愛欲揮杯勸，其情有唱隨。無違起居地，尚保死生期。明月成三處，清波化百時。冥然通契誼，曾莫假言辭。

沈石田書七言律諸作

掃地焚香習燕清，蕭然一榻謝將迎。坐移白日花間影，睡起春禽竹外聲。心遠不妨人境寂，道深殊覺世緣輕。問

奇尚有前門客，却怪青山不掩名。沈周書於獨墨亭。

今日都非昨日時，紅消綠長不容私。初驚雨過佳人夢，漫送春歸老子詩。繞樹空憐雙蛺蝶，戲波忙殺小魚兒。明年更有尋芳酒，何用臨川費所思。

春風不到小樓前，花事闌珊又一年。處處插秧梅子雨，家家繅蠶竹枝煙。荷知有暑先擎蓋，柳爲無寒已脫綿。莫道山家無意味，鳥聲啼破落花天。

城郭重來秋半過，世情看熟歲應磨。後生氣大輕人易，老者心寬奈事多。空自感懷成永歎，不如對酒付高歌。韓休共是霜顛客，松竹相依奈晚何。

風波境界立身難，處世規模要放寬。萬事盡從忙裡錯，此心須向靜中安。路逢平處經行穩，人有常情耐久看。直道世間無悔吝，纔生枝葉便多端。

渺渺扁舟入浦雲，琳宮一到愜前聞。春泥夾道縈人迹，野水交陂亂鴨群。洞裡朝元郭道士，城中行藥鮑參軍。相尋兩度俱相失，石上留題漫有文。

上人何事作生涯，半是仙家半出家。丹竈火紅煨白朮，戒壇煙黑煮硃砂。杏林春透菩提樹，橘井泉涵優鉢花。賣藥歸來無箇事，月明窗下誦蓮花。贈醫僧。

高隱白雲深復深，階除晴晝亦生陰。山藏暝色迷歸鶴，窗捲朝嵐恐潤琴。忽爾去留那有迹，飄然舒卷絕無心。道人只自閒怡悅，俗客要來難便尋。右贈顏魯南隱君之作，詩成三年，未嘗書寄，適魯南持紙來索畫卷，因系此篇。沈周。

顛毛脫盡野僧如，世事多歸一懶除。欲博晏眠高著枕，圖便老眼大鈔書。屋須矮小茅須厚，窗要清虛竹要疎。心與陶翁有相得，時歌吾亦愛吾廬。

悠悠無役老人懷，春日烘門晏始開。遊衍太平初試杖，安排樂事且拈杯。世情花黨富家發，公道燕均貧戶來。識字不多強不識，小軒聊與物追陪。

昭明臺下芒鞋緊，虞仲祠前石路迴。老去登臨誇健在，舊遊山水喜重來。雨乾草愛相將發，春淺梅嫌瑟縮開。傳取梁前檜神去，袖中疑道有風雷。虞山至道觀有所謂七星檜者，相傳爲梁時物也，今僅存其三，餘則後人補植者。而三株中又有雷震風擘者，尤爲詭異，真奇觀也。成化甲辰日周。

爛漫初看蜀錦堆，却疑春色隔牆來。酒逢知己何辭醉，花笑貧家不稱開。紅亞暖風憐弱蒂，粉含清露濕重臺。明朝只恐多零落，爲轉長生托紙胎。辛丑牡丹爛開，余與允輝同賞，有此詩。壬寅開不及往，喜允暉亦凭闌，因書前作，以寄孤興。沈周。

衆客巡籬待菊開，吾家阿弟足清醅。莫嫌蕊小劖先賞，若使花殘悔後來。宿雨尚搖枝上葉，新香初入掌中杯。頭巾墮地秋襟濕，不怕傍人笑醉回。乙卯十月四日，賞翼南莊上半開菊，因有是詠。古梅在坐，爲錄一過。沈周。

誰放春雲下曲瓊，一重薄隔萬重情。珠光蕩日花無語，瑣影通風吹有聲。外面令人倍惆悵，裏邊容眼自分明。知無緣分難輕人，敢與楊花燕子爭。《詠簾》

滿城風雨近重陽，寂寂寥寥破草堂。彭澤花枝待晴把，雲安麴米帶生嘗。梳頭髮應吾年白，潤屋金從別姓黃。漸與潘郎續遺句，沈郎瘦不似潘郎。沈周爲冷菴先生作。

滿城風雨近重陽，車轍何人顧草堂。此日衣成聊自授，明朝酒熟共誰嘗。秋深澤國尊空紫，霜落洞庭柑未黃。底怪白頭甘寂寞，子雲曾是校書郎。徵明奉次。

沈石田尋芳詩行書，長幅

老子尋芳挑酒錢，樂哉斯邱青嶂邊。若教即死便埋我，更是可生還聽天。人生一日過一夢，花下百壺酬百年。還將醉墨寄絕壁，風雨不洗山蒼然。右題墓上絕壁。沈周。

沈石田雜題絕句

湖北歸來日落，扁舟滿載西風。目送一行白鷺，秋懷欲與天空。六言。
衣冠瀟灑本吾儒，也學玄真作釣徒。風月一竿休占盡，客星昨夜照東吳。
酒盞詩聯不厭頻，梅花已報滿城春。疎燈一夜山窗雨，却寫鄉心與故人。
不將綠醕醉春寒，但把黃庭讀夜闌。三月溪亭新漲滿，廬山瀑布捲簾看。
百尺飛泉木數章，茅椒回互茯苓香。白頭漁父拋魚舫，結得盧鴻一草堂。
溪流泯泯帶斜汀，樹色沈沈綠未明。大似城南春雨歇，碧山浮動晚煙生。
山路迢迢過翠微，楓林斜日映人衣。筇枝兀兀藤花去，不得詩成且不歸。
樹裡幽亭久不來，田時行徑有蒼苔。溪風四面涼如水，袖得芭蕉手漫開。
艾葉葵榴亂插瓶，虛堂風約虎符靈。樽前蒲玉須教醉，溷俗由來忌獨醒。
溪頭待渡心不忙，日落高人猶偃仰。歸來只恐到家遲，隔岸行人豈吾黨。
鳩一聲時鵲一聲，鳩能喚雨鵲呼晴。老天亦自無張主，半日晴來半日陰。
春日春山春水流，春田春地放春牛。春花開在春園裏，春鳥飛來春樹頭。

如來如來太乙裁，挂鉢披袈海上來。不爲一身南北走，願超千衆上蓮臺。
出人行藏要三思，世情更變斗星移。常將有日思無日，莫待無時思有時。
富友高親莫去攀，他來問我奉承還。錢財入手非容易，用去方知來處難。
自家只道是童兒，誰信光陰驀地移。算來三萬六千日，總成四十九年非。
分中自有魚羹飯，意外休編虎口鬚。莫怪老夫爲妄語，一生夢寐慣江湖。
楊柳青青江水平，聞郎江上唱歌聲。東邊日出西邊雨，道是無情却有情。
風前一曲動離愁，那箇行人不舉頭。手把花枝半遮面，不令人見轉風流。
毛竅黃茸嫩似鋪，頸長高閣玉胡盧。老夫此筆非無意，留與賢郎學弄雛。
買書賣畫出春城，看破青衿白髮生。四海固無知我者，空教啼殺樹頭鶯。
吳淞江上老迂疎，自笑年來活計無。只有硯田耕未了，雲山還向筆端鋤。
談空上人持筆索書，漫錄舊作二首。長洲沈淵。

甲午春三月望，爲冷菴憲副作。沈淵。

秋日同友人步虎邱，倦坐可中庭上，值

《式古堂書畫考》云：啓南大父字孟淵，沈淵似非啓南也。《珊瑚網》錄沈淵諸詩于啓南雜題絕句之末，今仍之。

饑時思飯倦思眠，只在茅簷日晷邊。此是老夫真活計，十年修得在家禪。

沈石田壽張保州詩帖

張公符竹照保州，今之太守古諸侯。民和物阜政始修，何乃便有邱園謀。江東蓴菜紫絲柔，香粳如玉酒如油。雙溪風月那可留，左招赤松右浮邱。天子不阻南歸舟，吳山吳水小瀛洲。晴雨雪月俱堪遊，有詩自唱酒自釀。百篇一斗

百不憂，醉中倒披紫綺裘。瑤池桃花插滿頭，笑呼秦女彈箏篴。朱簾高啓望京樓，裴家綠野亞風流。張公手持海屋籌，人間小住三千秋。門生沈周拜稿呈。

唐伯虎詩蹟

人生七十古來有，處世誰能得長久。光陰真是過隙駒，綠鬢看看成白首。積金到斗俱是閒，幾人買斷鬼門關。白日升天無此理，自古有生還有死。眼前富貴一枰棋，身後功名半張紙。古稱彭祖壽最多八百年，後還如何請君聽我歌且舞，窮通壽夭皆由他。

都憑乖點討便宜，我討便宜只是癡。把日繫繩終不住，待天倚杵是何時。隨緣冷暖開懷蓋，不計輸贏伴手棋。七尺形骸一棺土，任他評我是和非。《漫興》

措身物外謝時名，著眼閒中看世情。人算不如天算巧，機心爭似道心平。思量昨日疑前世，睡起今朝是再生。說與明人應曉得，與愚人說也分明。六如居士。

席地松陰樂有餘，瓦盆盛酒炙枯魚。心中洗盡閒名利，一派泉聲應讀書。

一雨江南水接天，春山凝翠樹浮煙。飽看山水歸來晚，隔岸應須買渡船。

平日春醪賤可賒，春來酒價忽然加。山村野店如城市，都爲遊人賞杏花。晉唐寅

曲巷疎籬野寺邊，藍橋重敘舊因緣。一宵折盡平生福，醉抱仙花月下眠。《丁丑十一月望夕夜宿廣福寺前作》蘇唐寅

唐伯虎雨花臺詩帖行楷書

雨花煙月此時逢，臺殿虛無古寺中。莫問六朝何事業，萬家砧杵弄秋風。友弟唐寅草上石壁先生吟壇斧政。

祝枝山懷知詩帖急就小行草書，藏經牋，本題下有小字者係自注

懷知詩

歲寒十人

顧明府榮夫

雞山燕市每依依，此日都拋入洛衣。
家近鬱林公舊隱，門如彭澤令初歸。
空憐舊社惟君密，却笑無車訪我稀。
最愛滄浪池水好，歲時同坐一方磯。

錢太常元抑

入室芝蘭始見薰，也知孤陋合離群。
煙霄本自冥黃鵠，城市安能駐白雲。
震澤晚山青歷歷，漕湖秋水碧沄沄。
相思只借中天月，會把清輝兩地分。

王文學履吉一首

七十看花歲已殘，始憐梅蕊照衰顏。
河清可道遭逢易，駕俗深慚會合難。
錦繡口閒藏黼黻，驪龍珠抱媚江山。
欲留光彩無窮事，心緒悠悠竹素間。

我居塵陌子滄洲，望隔江城各倚樓。
共惜賈生違漢室，豈知王粲重荊州。
青雲尚恐終難附，白璧空懷未盡投。
十載三都牆壁滿，不堪玄晏思悠悠。

葛隱君汝敬

獨承華緒振芳塵，想見先公氣魄新。
開口只傳前輩事，存心不共此時人。
城中紫陌藏巢許，門外青山是主賓。
布褐一逢埃土盡，誰言叔度賤還貧。

湯徵君文守

舞勺歌詩把袂儔，白頭俱換舊烏頭。深憐武庫豐懷寶，却羨名宗獨綴旒。擊壤舍君誰作伴，看山無我不成遊。高吟李白襄陽曲，掌上隋珠國已收。

謝處士元和

薰茗清談午夜陪，詩筒拂旦又飛來。應憐去日多來日，却見千迴似一迴。槐院定酬王祐志，蘭庭休起卜商哀。紅芳落盡青青在，始信松筠是德材。

表弟蔣允輝

風雨牀空坐燭闌，分襟兩見物華殘。蕭條鷗鷺江湖迴，寂寞宮商草樹寒。王謝風流吾子在，武功中外老夫單。懷君有句君應笑，不向滄浪共釣竿。

施侍御聘之

行藏蹤跡只雲萍，一種神襟爾我形。清角痛悲鳴晉鄙，黃鍾力挽向虞廷。丹山鳳去尼丘歎，紫府龍歸雪水靈。昨日書來淚盈把，南溟心事到東溟。

朱提刑升之楚州

渚萍漂泊合江籬，并逐東流更不移。曾指松筠能晚節，共拋簪紱向明時。煙霞草樹春容與，河漢星辰夜陸離。慙愧逢人說桑梓，只如黃卷對光儀。

張秀才天賦惠州

文征屢北道空南，雲錦才華織女慚。宗廟豈能瑚璉舍，蛟龍未許土泥奔。襟期天合膠投漆，光彩神驚玉在函。不見書來誦書序，相望渾欲淚氈氍。

先露八人

吳文定公

穆穆文定，淵淵金玉。風被四遠，譽髦歸淑。伊余小子，欽承在夙。籀雲駿附，潛泥蠖伏。詞林銜恤，闕息茅廬。扣戶請益，拱肅趨隅。教曰勗旃，竭景劬書。默爾富獲，單辭靡餘。選曹展邱，俾書皇綸。山房接夕，返櫟同津。永言夙好，旁搜前聞。虛膺祇受，充然萬珍。公耆後先，三四及門。一瞻百益，敬誦終身。望之如日，就之如雲。大雅既喪，悼實徒紛。

王文恪公

肅肅文恪，有嚴我師。扣竭空鄙，博約兼資。片語必法，寸履皆規。甘雨中含，滋浹時熙。屢蹟於征，靡辭有戚。公薦以升，黃閣有職。援呼晝三，導掖漠百。嗟予不肖，鼎冶負德。邦作封吏，來相予總。謂言冢君，車迎館奉。襄懷報上，寧公戾衆。往趣成旁，誚龐莫誦。公聞斯愠，命我專統。謂守載屬，同群答泓。終亦靡克，公愾滋勇。有矢畢命，卒隊茲恐。公歸在堂，復傳函丈。三變泰如，揚休彌暢。湖山莫高，風霆下上。嗟予懦與，弗從以往。中星載回，過失几杖。梁木既壞，吾將安放。

韓尚書

司徒巖巖，四海具瞻。孰不斂衽，植偃礪頑。蒙逖以卑，霄麗泥蟠。訊之招之，令之曰前。旭日垂熙，溫誨孔殷。昔我先公，政于晉陽。知公于童，拔立序庠。範之德行，訓之典章。古道世用，啓迪游揚。聲詩書畫，亦靡不詳。曰爾國器，必成用光。公曰於乎，前德不忘。乃共之食，乃賜之帛。嚴威儼恪，靖莊允塞。拜賜必誠，餐德必實。一望弗再，有銜以訖。

沈周先生

有華東陽，睚於吳門。古也遺高，展也茲存。孰爲先生，秀降三辰。胸集萬寶，手揮五雲。九淵淑暎，千莖齊芬。鶴跼霄達，抗首風塵。維予二祖，式契且姻。親公自髻，屬于夕昕。齒惟父子，視猶季昆。聚晤員員，援推勤勤。謂子良史，左邱馬班。謂子鵬運，直舉橫騫。安知乘馬，班如連遭。終需于泥，以卒歲年。余既暮矣，公猶巋然。于何不臧，自遐不因。一往不復，追悔空辛。豈念平生，我思古人。

本郡使君南海林公

昌哉我牧，百夫之特。瞬洞萬梵，平吞四渤。經庫儲學，智囊韜識。鸞刀一振，不截以訖。吳材總升，胡特我特。載笑載言，載詠以繹。有作斯屬，慚孤善述。冥留靈逝，奚贖身百。九京有知，有茹闐臆。

陸冢宰

陸締於我，好也奕世。中丞汪汪，視實兄弟。翔泳殊然，達磐別致。川梁無接，鑄鐔遙契。南都于邁，日以文會。勗哉進修，驩然游藝。鷗鷺先盟，江湖結氣。公績平寇，尚克銘紀。首聚須臾，夙約載厲。迨登掌武，爰均四海。迹用地隔，禮由嫌廢。穹淵契闊，悅若越世。恩譴公被，不才余棄。聚散忽再，幽明永異。終則群疑，始亦何諱。丹誠寸積，悠悠兩在。天吳晝掠，鰲波夕沸。茫茫大壑，魂兮何寄。

朱孝廉性甫

秀矣孝廉，名駒在吳。白玉清冰，碧梧翠竹。少游諸老，孤鶯喬木。余家日見，匪暝維夙。黃庭晉度，朱絃漢曲。群公星落，長庚爾獨。後生更仰，離群昂鵠。頽然順化，行閱滄陸。修年默逝，亦可世哭。雅能君斷，更莫彼續。來英日富，風流絕目。前修屢踐，流膏醉醖。嗟子勤哉，堆箱疊腹。翳我與君，髮皓相逐。今我視衆，如君我矚。餘霜猶幾，三歎不足。

朱文學堯民

葑亦多彥，胥矣兩朱。崑邱連壁，嶧陽雙梧。子出最後，遺風爽如。寒泉冬潔，菴竹秋癯。積百媚學，孰儷君劬。宵聞片籍，屏寐以須。先之皇皇，獲之愉愉。拋裘噴炙，投玉捐珠。珍香寶茗，法繪名書。清談晏對，日坐仙區。愛我維篤，棄我亦除。悵其邈矣，臨風永吁。

余既作此詩，未及書遺諸君。堯民首出，紙索錄，遂勉筆歸之，他固不能悉然，當各寫所贈本篇以投之耳。允明識。
黃姬水跋見前。

祝枝山書古詩帖楷書

晉陽起唐祚，王明紹巢封。垂統已如此，繼體宜昏風。應聚嬪天倫，牝晨司祿凶。朝綱一以墜，天樞遂崇崇。淫毒穢宸極，虐焰燔蒼穹。向非狄張徒，誰辦取日功。云胡歐陽子，秉筆迷至公。唐經亂周紀，凡例孰此容。侃侃范太史，受說伊川翁。春秋二三策，萬古開群蒙。

朱光遍炎宇，微陰藐重淵。寒威閉九野，陽德昭窮泉。文明昧謹獨，昏迷百開先。幾微諒難忽，善端本緜緜。掩身事齋戒，及此防未然。閉關息商旅，絕彼柔道牽。

微月墮西嶺，爛然衆星光。明河猶未落，斗柄低復昂。感此南北極，樞軸遙相當。太乙有常居，仰瞻獨煌煌。中天照四國，三辰環侍旁。人心要如此，寂感無邊方。

放勳始欽明，南面亦恭已。大哉精一傳，萬世立人紀。猗歟歎日躋，穆穆歌敬止。戒傲光武烈，待旦起周禮。恭惟千載心，秋月照寒水。魯叟何常師，刪述追聖軌。

吾聞庖犧氏，爰初闢乾坤。乾行配天德，坤布協地文。仰觀玄渾周，一息萬里奔。頽察方儀靜，隕然萬象存。悟彼立象意，契彼人德門。勤行當不息，敬守思彌敦。

大易圖象隱，詩書簡編譌。禮樂矧交喪，春秋魚魯多。瑤琴空寶枰，絃絕將如何。興言理餘韻，龍門有遺歌。顏生躬四勿，曾子日三省。中庸首謹獨，衣錦思尚絅。偉哉鄒孟氏，雄辨極馳騁。操存一言要，爲我挈裘領。丹青著明法，今古垂煥炳。何事千載餘，無人踐斯境。

元亨播群品，利貞固靈根。非誠諒無有，五性實斯存。世人逞私見，鑿智道彌昏。豈若林居子，幽探萬化原。枝山祝允明書。

祝枝山書聞絃詩

舟泊衢州城下暮，赤脚苦蚊眼欲瞋。逡巡就枕忽聞絃，已覺再聽還恐誤。披衣起見燈影紅，柔指鶯喉暗輕度。初聞乃是三絃語，寂歷空江煙落霧。少年慣向醉中聽，老大聞之猶起妬。須臾演人琵琶絃，指撥聲清不似前。疑是小瑤更大封，移宮換羽各爭妍。斯時夜靜絃愈急，潛鱗出浴棲羽寒。珠珍錯落玉盤淨，鐵騎跋東封可懸。老夫聽久毛髮豎，愁有蛟龍來搏船。右《聞絃》一首，書於虎邱梅花樓。枝指道人。

祝枝山詩草

長安昔日在關中，洛陽浙右亦相同。江東自古帝王宅，周秦已見氣葱葱。長安石城如虎踞，長道鍾阜似盤龍。千年王氣浮天表，一日真人建法宮。天府天開天闕起，五門三殿當中峙。五鳳樓前柳似煙，奉天門外天如水。金陵金闕勝金城，玉陛連天接玉京。星散羽林霜氣肅，天臨華蓋日華明。十二飛樓石門繚，百萬貔貅屯八表。寶刹天花和月飛，郊壇神樂穿雲霄。叶。御史當街百騎馳，將軍納陞羅霜鋒。五侯甲第遙迷霧，七貴前驅響鬪風。鳳凰臺上鳳凰遊，玄武湖中水似油。萬戶鶯啼花裏晚，千家砧搗月中秋。會同館外白雉多，包茅楛矢交經過。重譯來賓醉卉服，輕煙淡粉列